

09.03 PROFIL

Ignacio Perez Prat: «Cura che jau vi insatge cun il cor, dun jau tut!»



Uschia è quai stà cun emprender rumantsch, cun emprender da sunar ghitarra, ma era cun il transport da ses «Torino» - in auto dal 1971 - da l'Argentina en Svizra. Ambiziun e forza da voluntad èn il fil cotschen en la vita dad Ignacio Perez Prat. Naschì è el a Buenos Aires, la chapitala da l'Argentina. Là ha el frequentà las scolas e vivì tranter la chapitala e vitgs purils. Il di ch'el ha decidì da studegiar en Germania, haja el impundì tut sias forzas per cuntanscher sias finamiras. Cun be 19 onns è Ignacio Perez Prat emigrà. El ha prendì cumià da sia famiglia, da la patria e da ses amis per far sia vita e ses futur en l'Europa. Oz lavura l'inschigner da 41 onns en l'Ospital chantunal a Cuir sco manager per applicaziun digitala e dossiers electronics. Turas cun ses auto vegl «Torino», ir cun skis ed ir cun velo da muntogna tutgan tar ses hobis, ma el di: «il rumantsch e la musica han midà mia vita – jau ma sent da chasa en il Grischun».

Redacziun: : Gaby Degonda